

Sambŭt Yôhan Nchih Rơh 3

Nau bôk ăn bu gĩt lor

Nờm nchih sambŭt dja rnha Yôhan, păng nchih sambŭt dja klăp lah ta năm 60-90. Ta nau ngơi Grek mầu ôh geh nchih rnha Yôhan ta sambŭt dja, nờm nchih kuăl săk păng nờm 'Kôranh', yờn ma phung kôranh phung nsing ma Brah Krist bớh kới jêh bu nchih nau tâm rnglăp mhe, nchih lah nờm nchih Yôhan i kôranh ôh mon Brah Krist. Bu mần lah păng nchih sambŭt dja ta ãon Ephêsô. Păng njuăl sambŭt dja ăn ma du huê bu klô rnha Gaiyus, Gaiyus jêng kôranh phung nsing ma Brah Krist du ntũk, yờn ma bần mầu ôh gĩt ndớ êng ta păng. Yôhan nchih sambŭt Yôhan nau mhe mhan ueh đống, sambŭt Yôhan rơh 1, rơh 2 ndrel ma sambŭt Nau Tâm Mpơl đống.

Nau ũch ntrống ta sambŭt dja

Ta sambŭt dja Yôhan rnê nô Gaiyus, yorlah păng lể kớl ma phung i nsong rỏ ntũk êng êng i nti nau Kôranh Brah, jêh ri păng đă Gaiyus njrăng ma du huê bu klô rnha Điôtrep, yorlah Điôtrep geh nuih n'hâm djơh, ndập ma rnê du huê bu klô rnha Đêmêtrus.

Mbớh nau khlay ta nkổ ta sambŭt dja

- Nau ôp ueh lăng (1:1-4)
- Nau rnê ma Gaiyus (1:5-8)

- Diôtrep, ndrel ma Đêmetrus (1:9-12)
- Nau ntinh n'glẽ dũt (1:13-15)

Nau ôp ueh lăng

¹ Sambũt dja tả bôh gâp Yôhan i kôranh ta phung i nsing ma Brah Yêsu Krist. Dăn ôp nau ueh lăng ma nô Gaiyus i gâp rông ngăn ngên.*
² Ở nô i gâp rông, gâp rơm may geh nau ueh lăng, kôt may lẽ geh gũ nâp ta nau nsing ma Brah Krist đống. ³ Gâp geh rằm maak hô ngăn, nôk oh nô ta nau nsing abă i sât tât a gâp, yorlah khân păng mboh nkoch may hôm gũ rập jăp ta nau ngăn, hôm jan tâng nau nti ngăn.* ⁴ Gâp mâu ôh geh nau rằm maak i kuống rlau ma nau rằm maak i gâp tâng kon sau gâp ta nau nsing jan tâng nau nti i ngăn.

Nau rnê ma Gaiyus

⁵ Ở nô ta nau nsing i gâp rông, may lẽ rập jăp ngăn kôl ma phung oh nô ta nau nsing i hăn trong rỏ bon êng êng tât ta ntũk may, bol lah may mâu gĩt năl khân păng. ⁶ Khân păng i này lẽ mboh nkoch ta phung nsing ta ntũk dja nau i may lẽ nhhơ nau rông ma khân păng này. Jêh ri đã may hôm kôl ndr khân pre ma hăn rỏ trong, jêng tâm di ma ndr jan kar i ăn Kôranh Brah rằm maak,* ⁷ yorlah khân păng hăn nsak nsong mboh nkoch nau Brah Yêsu, jêh ri khân păng mâu geh ôh sỏ đơn ndr du ntil tả bôh phung i mâu nsing ma Brah Yêsu. ⁸ Lah ndr i iăt ma bân blao kôl ma

* **1:1** 1:1; 2Yô 1:1 * **1:3** 1:3-4; 2Yô 1:4 * **1:6** 1:6; 1Kô 9:4, 9-10; Tit 3:13

bunuyh i köt nây, gay ma bân jan kar ndrel bäl ta nau nti i ngän.*

Nau nduih ma Điotrep, jêh ri rnê ma Đêmêtrus

⁹ Gâp lě jêh njuäl sambüt ăn ma phung nsing ta ntük may, yơn ma geh du huê bu klô rnha Điotrep i bunuyh ếch jan kôranh kuống rlau bu, păng mâu ôh iät nau hên. ¹⁰ Yơn ma nôk gâp hăn tât ta nây, gâp mra nka h păng dăng lě ndr i păng jan nây. Păng ngơi nchơt ngơi djơh hên ăn ma bunuyh êng, mâu đơn ma ndr i nây, jêh ri păng mâu ôh rom phung oh nô ta nau nsing, buay phung i ếch rom mâu ăn rom đơng, jêh ri mproh phung i ếch rom du lôh bơh phung nsing ta nây jät.

¹¹ Ở nô i gâp rơng, lơi ôh tâng jan ndr djơh, ăn tâng jan ndr ueh hõ. Bu moh i jan ndr ueh, păng i nây jêng kon Kôranh Brah, yơn ma bu moh i jan ndr djơh, păng mâu ôh gít näl Kôranh Brah.* ¹² Yơn ma nô Đêmêtrus dăng lě bunuyh ngơi ueh ta păng dadê, bol lah i Nau Ngän mbơh nkoch ueh ta păng đơng. Lõng gâp tâm ban köt nây đơng, lě mbơh nkoch nau ueh ta păng đơng, may lě gít jêh nau i gâp mbơh nkoch nây jêng đi ngän. ¹³ Geh ők nau i gâp ếch nchih njuäl ăn may, yơn ma gâp mâu ếch ôh nchih ma dak kräk, ma mống nchih.* ¹⁴ Gâp geh nau rơm máp may gơnh ta nar bơh nấp dja tay, ndr i gâp ếch ngơi ndrel may ro. ¹⁵ Dăn nau đấp mpăn gũ ta may, dăng lě măt jăng ta dja ôp nau ueh lăng

* **1:8** 1:8: Mat 10:40; Hêb 13:2 * **1:11** 1:11: 1Yô 2:29; 3:10

* **1:13** 1:13-14: 2Yô 1:12

may đống. Lah ndri dẫn may ôp nau ueh lăng
ma mât jăng ta nây bả.

**Nau Kôranh Brah Ngòi Nau Tâm Rnglăp
Mhe
Mnong, Central: Nau Kôranh Brah Ngòi Nau Tâm
Rnglăp Mhe New Testament**

copyright © 2016 Wycliffe Bible Translators, Inc.

Language: Central Mnong

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 21 Feb 2024 from source
files dated 29 Jan 2022

e066eeff-60da-5ff7-9822-f65015bcd247